

## Inatsisissatut siunnersuummut nassuiaatit

**Nassuiaatit nalinginnaasut****1. Aallarniut**

Siunnersuut pingaarnertut tassaavoq 1. januar 2004-mi atuutilersumut suliffeqarnermi innersuussisarneq pillugu inatsisartut peqqussutaata atuupput assinga. Suliffeqarnermi innersuussisarneq pillugu inatsisartut peqqussutaanni atuuttumi inatsisilersugaasumi nuttarnersitsiniarluni tapiissutit pillugit nalunaarummut tunngatillugu nuttarnersitsiniarluni tapiissutinik tunniussaqaarnissamut periarfissanut tunngatillugu naleqqutinngitsunik killeqartoqarneranik paasinnittoqarsimanera pissutigalugu siunnersuut suliarineqarpoq. Nuttarnersitsiniarluni tapiissutinut siamasinnerusumik atugaqarfissaq pillugu kissaateqarnerup nassatarisimavaa atuiffissamik annertusisitsineq, 2013-imi aningaasanut inatsimmi imatut oqaasertalerneqartumik: *"2013-imit aaqqissuussineq annertusineqassaaq, taamaalilluni ukiup ilaani soorlu aalisakkanik tuniffissuarnut assigisaannullu sulisartunut siumut utimullu angalanernut tapiissuteqartoqarsinnaalerluni. Ukiup ilaani nuunnermi angalanermut aningaasartuutit saniatigut pequtinut allanulluunniit nuussinermut tapiissutinik tunniussaqaartoqarsinnaassanngilaq"*. Tamanna 2013-imi 2014-imilu pivoq. Siunnersuutikkut 2013-imi atorneqartumik, aammalu 2014-imi atugarinissaanik akuersissutigineqartumik atuiffissap annertusineqarnera aningaasanut inatsimmut oqaaseqaatitigut ilanngunneqassaaq.

Siunnersuut saqqummiunneqarpoq ukiumi tullinnguuttuni suliffeqarfimut inatsisinik Naalakkersuisut iluarsaassinissaat naatsorsutigineqaraluartoq, inatsimmi atuuttumi naleqqutinngitsut iluarsineqarnissaat pisariaqartinneqarsimammat.

Suliffeqarfimmut politikkimut anguniakkap ilarujussua tassaavoq suliffeqarfimmut piareersimasunik sulisuusunik piginnaanngorsaanissaq. Anguniagaq tassaavoq sulisuusunik piginnaasaqartunik pisariaqartitsinerup matussusernissaa, nunallu avataaniit aggersunik sulisuusut pisariaqartinneqarnerisa annikillisinnissaat. Taamatuttaaq inooqatigiinni nuttarsinnaassuseq siunertaralugu suliffissaaleqisunut ilinniagaqarnerup imaluunniit suliffeqartitsinissap isumannaarnissaat anguniagaapput.

Suliffeqarnermut politikkimut pingaarutilittut anguniagaq alla tassaavoq kommunini ilitersuisarfinnik suliffeqalernissamullu piareersarfinnik sunniuteqarluarlutillu

UPA2014/126

IASN Suliap normua 2013-092018

ingerlalluartunik peqarnissaq, taamaalilluni ilinniagaqartitsinermik piginnaanngorsaanermillu naammassinninnissamut pitsaanagerusunik sinaakktissat pilersinniarlugit. Inunnut ataasiakkaanut iliussissatut pilersaaruteqarnikkut inunnut ataasiakkaanut anguniagarititat naammassineqarnissaat isumannaarneqarput. Ungassissoq isigalugu sulisuusut ilaasa, soorlu inuusuttut suliffissaasunit avissaartitaanerannik tamanna annikillisaassaaq.

## **2. Siunnersuummi pingaarnert**

Suliffeqarnermi innersuussisarneq il.il. pillugit Inatsisartut peqqussutaat nr. 10, 18. december 2003-meersoq atuuttoq § 7 eqqaassanngikkaanni siunnersuummi ingerlateqqinneqarpoq. Siunnersuutip siunertaa tassaavoq qaqugukktut nuttarnersitsiniarluni ikiorsiissutinik tunniussisarnerup sinaakktissat allangortinnissaat, taamaalilluni Kalaallit Nunaanni suliffeqarfimmik ataasiusumik siuarsaaniarluni, aammalu sumi najugaqarneri apeqqutaatinnagit Kalaallit Nunaanni suliffiit kalaallinut neqeroorutigineqartarnissaat isumannaarniarlugu.

Siunnersuumut anguniagaq tassaavoq assersuutigalugu aalisakkanik tunisassiorfimmi ukiumi ulapinnerpaaffiusumi sulisuusut nuttarsinnaassusaannik ikiorsiisinaanissaq, taamaalilluni aalisakkanik suliffissusarni sulisoqarnerata isumannaarsinnaaniarlugu, taamaaliornikkullu sulisunik amigaateqarneq pissutigalugu aalisakkanik tunineqartunik suliffissuit sularisinnaannginnerisa pinaveersaartillugit, imaluunniit najugaqarfigisami sulisussaqqannginnera pissutigalugu nunap avataaneersunik sulisartunik pissarsiortoqarnissaq pinaveersaartillugu.

## **3. Pisortanut aningaasatigut allaffissornikkullu kingunissai**

Siunnersuut pisortanut aningaasatigut allaffissornikkullu kingunissaqqanngilaq, ukiumi kingullerni marlussunni aningaasanut inatsit naapertorlugu aningaasat siunertamut tassunga atorneqarsimammata.

## **4. Inuussutissarsiorfiusumut aningaasatigut allaffissornikkullu kingunissai**

Siunnersuut inuussutissarsiorfiusumut aningaasatigut allaffissornikkullu kingunissaqqanngilaq, ukiumi kingullerni marlussunni aningaasanut inatsit naapertorlugu aningaasat siunertamut tassunga atorneqarsimammata.

## **5. Avatangiisinut, pinngortitamut inuillu peqqissusaannut kingunissai**

Siunnersuut avatangiisinut, pinngortitamut inuillu peqqissusaannut kingunissaqqanngilaq.

## **6. Innuttaasunut kingunissai**

Siunnersuut innuttaasunut aningaasaqarnikkut allaffissornikkulluunniit kingunissaqassanngitsutut naliliiffiqineqarpoq. Suliffimmik innersuussutaasumik § 7, imm. 1 imaluunniit 2 naapertorlugu najugarisamit nuunnissamik nassataqartumik suliffeqalernissamik akuersinngikkunik isumaginninnermi ikiorsiissutisinissamik pisinnaatitaaffimminnik innuttaasut annaasaqassanngillat.

### **7. Kingunissat allat pingaarutillit**

Siunnersuut Naalagaaffeqatigiinnermut attaveqarnermut sunniuteqanngilaq, annertunerusumilu namminersulersitsissanani.

### **8. Oqartussaasunik kattuffinnillu tusarniaaneri**

Siunnersuut piffissami 4. december 2013-imit 6. januar 2014-imut makkunani tusarniaassutaasimavoq: Naalackersuisut Siulittaasuata Naalackersuisoqarfia, Aningaasaqarnermut Nunamullu Namminermit Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik, Ilaqutariinnermut Inatsisinillu Atuutsitsinermit Naalackersuisoqarfik, Kommuneqarfik Sermersooq, Qeqqata Kommunia, Qaasuitsup kommunia, Kommune Kujalleq, KANUKOKA, SIK, GA, Nusuka, Royal Greenland, Halibut, Deloitte, Polarseafood, Artic Prime Production aamma Arctic Green Food.

Tamatuma saniatigut siunnersuut Namminersorlutik Oqartussat tusarniaassutinut nittartagaani tamanut ammasumik tusarniaassutaasimavoq.

Makkunanit tusarniaanermut akissutit tiguneqarsimapput: Ilaqutariinnermut Inatsisinillu Atuutsitsinermit Naalackersuisoqarfik, Aningaasaqarnermut Nunamullu Namminermit Naalackersuisoqarfik, Kommuneqarfik Sermersooq, GA, SIK, ICC, ASG, IMAK.

Tulliuttumi tusarniaanermut akissutit, aammalu tusarniaanermi takkussimasutut allannguutissanut siunnersuutit suliaqarfiupput. Tusarniaanermut akissutit, uingasunik nalunaarsukkat taamaallaat pingaaruteqassusaannik naliliisoqarneranik tunngaveqarluni pingaarnersiorlugit ilanngunneqarsimaneri oqaatigineqassaaq.

Tusarniaanermut akissutit tamarmik tamakkerlugit Inatsisartuni ataatsimiititaliamut suliarinnittumut ilanngussorlugit nassiussorneqarput.

*Ilaqutariinnermut Inatsisinillu Atuutsitsinermit Naalackersuisoqarfiup nalunaarpai:  
“Suliffeqarnermi innersuussisarneq pillugu inatsisaasuni suliffeqarfimmi politikkimut suliaqarfiusumut pisussaaffeqartoqartoqarpoq, aammalu iliuitsinut*

*assigiinngitsorpassuarnut periarfissiillutillu pisussaaffilersuisunik aalajangersagarpassuaqarluni. Taamaattorli piviusutigut suliffissarsiortorpassuit pisortanit ikiorsiissutisisut suliffissarsiuussisarfik pisariaqartitaminnut naleqqiullugu suliaqartuusutut misigineq ajortarpaat. Inuunermi suliffissaaleqinermik siusinnerusumik misigisaqaraanni, aammalu sivisunerusumik suliffissaagaanni suliffeqarfimmut uternissamut (uteqqinnissamut) piareersimaneq annikilliarthussaaq. Isumaginniffiusutullu attatiinnarnissamut aarleqqut annertusiartussalluni.*

*Suliani piviusuni, tamanna tulluartaugaangat, soorlu inunnut ataasiakkaanut iliuusissatut pilersaarusiornerni kommunimi isumaginninnermik aqutsisoqarfimmik suleqateqarnissamik isumannaarsisunik suliffeqarnermi innersuussisarneq pillugu inatsisaasuni aalajangersakkanik ilanngussuisoqassanera isumaliutigisariaqarpoq. Tamanna innuttaasup suliffissarsiortup suliffeqarfimmut qanillattornialernerani pissutsinik pingaarutilinnik tamanik sianiginnittumik iliuusissatut pilersaarummik piviusorpalaarnerujussuarmik nassataqartitsissagunassaaq”.*

Tamatunnga inissitaqarnissaq siunertarineqarsimanngilaq.

*Aningaasaqarnermut Nunamullu Namminermut Naalakkersuisoqarfiup nalunaarpaa 2014-2017-imi suliffeqartitsinermut periusissiakkut immikkut ittumik inuusuttut iliuuserisamut saaffigisat ukiui 25-nit 30-nut qaffanneqarsimasut.*

Inatsisissatut siunnersuummi § 4, imm. 3 aamma nassuiaatit nalinginnaasut uparuagaasumut naapertuutsilerlugit iluarsineqarput.

*Nangilluni Aningaasaqarnermut Nunamullu Namminermut Naalakkersuisoqarfik nalunaarpaa ”§ 7, imm. 2-mut nassuiaatit sulisartup nalinginnaasumik najukkaminut qimatsilluni ukiup ilaani imaluunniit piffissamik killiligaasumik innersuussiffigineqarluni sulisartup suliffeqalernerani inissianut pissutsit pillugit piumasagaateqartoqartariaqannginneranik innersuussivoq. Tamanna pisariaqanngitsoq ANNN-ip naatsorsuutigaa, siunertaamat sulisitsisup inissiamik atugassiinissaa, tamaattumillu tamanna inatsisip oqaasertaani, kiisalu nassuiaatini ilanngunneqartariaqarpoq”.*

Ukiup ilaani sulisartunut inissiassaq pillugu piumasagaat arajutsisimaneqanngitsumik ilaatinneqanngilaq. § 7, imm. 2-mut nassuiaammi annertunerusumik erseqqissaanermik Aningaasaqarnermut Nunamullu Namminermut Naalakkersuisoqarfimmit oqaaseqaat nassataqartitsisimavoq.

*Ilanngullugu sulisitsisut nunanit allanit sulisartunik atortitsinissaq pillugu qinnuteqarnissaq sioqqullugu naalagaaffigisami suliffissarsiorfittut nittartakkap atortarnissaanik pisussaaffilerneqassasut Aningaasaqarnermut Nunamullu Namminermt Naalackersuisoqarfiup siunnersuutigaa.*

*Suliffissarsiorfittut nittartakkamik suliaqarneq aallartisarneqarpoq, naammassineqaranili. Suliffissarsiorfittut nittartakkap atorneqalerneranut atatillugu piumasaqaasiorlunilu malittarisassiortoqalissappat Aningaasaqarnermut Nunamullu Namminermt Naalackersuisoqarfiup siunnersuutaa erseqqinnerusumik isumaliutigineqarumaarpoq.*

*Ukiup ilaani sulisartunut nuttarnersitsinissamik ikiorsiissutit pillugit qinnuteqartut amerleriarnerinut atatillugu kommuninut aningaasaqarnikkut kingunissat erseqqinnerusumik nassuiaavigineqarsinnaagaluartut Kommuneqarfik Sermersuup, KANUKOKA-p aamma ICC-p uparuarpat. Inatsisissatut siunnersuut kommuninut aningaasatigut kingunissaqannginneragaaneranut Kommuneqarfik Sermersooq isumaqataanngilaq.*

*Aammattaaq § 5-imi aamma § 12-imi oqaatsinik atuineq nutarsartariaqartoq Kommuneqarfik Sermersuup nalunaarppaa, taamaalilluni atorneqarunnaartumut inuusuttunut sullissivik imaluunniit "ilitsersuineramik suliffeqalersitsinermullu qitiusoqarfiit" innersuussiffigineqassanatik, taakku Piareersarfinnit taarserneqarsimammata.*

*Taamatuttaaqa tamanna GA-mit aamma Aningaasaqarnermut Nunamullu Namminermt Naalackersuisoqarfimmit uparuarneqarpoq.*

*Inatsisissatut siunnersuut uparuataasut najoqqutaralugit iluarsineqarpoq.*

*Nuttarnersitsiniarnermut ikiorsiissutinut pitsaanerusunik eqaannerusunillu sinaakutissanik pilersitsisoqarnissaanik GA-p iluarinnilluni isiginninnera GA-p nalunaarppaa, taamaalillutik amerlanerit suliffeqalissammata aamma suliffeqarfimmut attaveqarnermik attassissallutik. Suliffissarsiuussisarfiit atuuffii suliffinnut namminersortunut suliassiissutigineqarnissaannut inatsisitigut najoqqutassiisoqarnissaa isumaliutigisariaqartoq GA-p siunnersuutigaa. Siunnersuut taanna aamma ASG-mit saqqummiunneqarpoq.*

*Siunnersuut nalunaarneqarpoq, inatsisissatulli siunnersuummut matumunnga ilanngunneqassanngilaq.*

*Siunnersuummut SIK annertunerusunik oqaaseqaatissaqanngilaq, ilanngussat ullumikkut periarfissaareermata, siunnersuutikkulli erseqqissaassuteqarneq iluarisimaarneqarpoq.*

*Tusarniaanermut akissuteqarnissamut piffissaliussap sivikippallaarsimanera ICC-p aamma  
IMAK-p oqaatigaat.*

Tusarniaaneq Naalakkersuisut aalajangersagaattut malittarisassiat najoqqutaralugit  
ingerlanneqarpoq.

## **Siunnersuummi aalajangersakkanut ataasiakkaanut nassuiaatit**

### *§ 1-imut*

#### Imm. 1-imut

Tamatigut pingaarnepaatillugu kommunit taamaallaat najukkani kommunit sulissaat sularisassavaat, taamatuttaaq suliffeqarnermi innersuussisarneq. Kommunit kommunit suliassaat pillugit nunap immikkoortuini suleqatigiilersinnaapput. Nuna tamakkerlugu suliassat Naalakkersuisunit sularineqartassapput, tassunga atatillugu taaneqarsinnaavoq nuna tamakkerlugu IT atorlugu suliffissanik nalunaarsuiffissaq pilersinneqassagunartoq, takuuk § 10.

Siunnersuutikkut tassuuna kommunit inuussutissarsiutigalugu suliffeqarfinni inatsisitigut allatigut malittarisassaqtitaasuni aningaasaliinikkut inuussutissarsiutinik ineriartortitsinermut peqataanissaannut periarfissaat killilerneqanngillat.

#### Imm. 2-mut

Suliffissarsiortut sulisitsisullu akornanni kommunit attaveqatigiissitsiniassapput.

#### Imm. 3-mut

Inuussutissarsiorfiusunut imaluunniit sulisuusut suliffeqalersinniarlugit sulissutigisanut tungatillugu killeqartoqanngilaq.

#### Imm. 4-mut

Kommunit pisussaaffigisaat taamaallaat nunami Kalaallit Nunaannut tunngasussaavoq, suliffissarsiortunullu Kalaallit Nunaanni inunngorsimasunut, aammalu nunami ukiuni inuuffigisani siullerni tallimani aalajangersimasumik najugaqarsimasunut, imaluunniit Kalaallit Nunaannut suliffissarsiortut killilersimaarnissaat pillugu Inatsisartut inatsisaat malillugu immikkut ittumik Kalaallit Nunaannut attuumassuteqartunut tunngalluni.

### *§ 2-mut*

#### Imm. 1-imut

Aalajangersakkakkut aalajangersarneqarpoq kommunit suleqataallutik suliffeqarnermut tunngasutigut ingerlatsinerminnut ilanngullugu suut suliassarineraat. Kommunit najukkani suliffeqarnermi ineriartornerup malinnaaviginissaanut akisussaapput.

#### Imm. 2-mut

Naalackersuisut nalunaarummik atuutsitsilersinnaapput, ilaatigut nalunaaruteqartarnerit qanoq pisassaninik, sunik imaqassanerinik qaqugukkullu nassiunneqartassanerinik imaqarsinnaasumik.

### *§ 3-mut*

#### Imm. 1-imut

Inuussutissarsiutinut tunngaviusumik ilinniartitaanerit iluarsaateqqinneqarnerannut atatillugu, tassani ilaatigut siunniunneqarluni qinnuteqaateqartut STI-mut pisoqqamut naleqqiullugu inuussutissarsiutinut tunngaviusumik ilinniartitaanermik aallartitsinissaminnut annertunerusunik periarfissaqarnissaat, naatsorsuutigineqarpoq ilinniartitaanernik inuussutissarsiutinullu piareersarnernik pilersitsisoqassasoq qinnuteqaateqartunik inuussutissarsiutinut tun-ngaviusumik ilinniartitaanermik aallartinnissaminnut naammattunik periarfissalinnik piginnaanngortitsisinnaasunik.

Najukkani qitiusumik ilitersuisarfiit suliffeqalernissamullu piareersarfiit pilersinneqarnissaat qulakkeerneqarpoq, taamaalilluni innuttaasut toqqaannartumik sullinneqarsinnaassammata. Taamaaliortoqassaaq inuit ataasiakkaat periarfissaat aallaavigalugit inuussutissarsiortut pisariaqartitaannut sanilliussisarluni.

Kommunit nunap immikkoortuani suliffeqarnermi naalackersuinikkut ingerlatsinermi suliniutit nukittorsarneqarnissaat suleqatigiissutigissallugu.

Tassanissaaq periarfissaq eqqarsaatigineqarpoq kommunit suliffissaaleqinerup akiorneqarnera, suliffeqalernissamut piareersarfiit piginnaanngorsarfiillu sulissutigineqarneri nunap immikkoortuani suleqatigiinnikkut suleqatigiissutigisinnaagaat.

#### Imm. 2-mut

§ 3 imm. 2 najoqqutaralugu kommunalbestyrelse Inuussutissarsiornermut, Aatsitassaqarnermut Suliffeqarnermullu Naalackersuisoqarfimmi suliffeqarnermut immikkoortortaqarfimmut suliffissaaleqineq pillugu kisitsisitigut paasissutissanik immersuiffissat atorlugit nassiussaqaarnermigut nalunaarutiginnittassaaq. Kalaallit Nunaanni Naatsorsueqqissaartarfiup paasissutissat tamakku Kalaallit Nunaanni Naatsorsueqqissaartarfik pillugu Inatsisartut inatsisaat atuuttoq malillugu atortarsinnaavai.

#### Imm. 3-mut

Nalunaarutiginnittarnernut maleruagassat Naalackersuisunit aalajangersarneqarsinnaapput. Nalunaarutiginninnerit ilaatigut kommunini suliniutinut tunngatillugit paasissutissanik piviusunik imaqarsinnaapput, kiisalu taakku qanoq Naalackersuisunut nalunaarutigisarnissaannut piumasaqaatit.

### *§ 4-mut*



#### Imm. 1-imut

Aalajangersakkakut qulakkeerneqassaaq najukkani kommunip pisortat namminersortullu suliffeqarfiisa akornanni suleqatigiittoqalernissaa.

#### Imm. 2-mut

§ 4, imm. 2 kiisalu kommunini suliffissaqartitsiniutinut tapiissuteqartarnej pillugu nalunaarut atuuttoq malillugit aningaasanut inatsimmi suliffissaaleqinermik akiuineq il.il. pillugit kommuninut aningaasanik tapiissutissanik immikkoortitsisoqarsimavoq.

#### Imm. 3-mut

Inuusuttuni suliffissaaleqisoqarnerujussuaq pissutigalugu inuusuttut 30-t inorlugit ukiullit immikkut ittumik sammineqarnissaat pillugu politikkikkut kissaateqartoqarpoq. 2014-2017-imut suliffeqartitsinermut periusissiaq naapertorlugu ukiutigut piumasaqaat 25-nit 30-nut qaffanneqarpoq. Iliuserisaq pingaarnertullugu Piareersarfiit, Bootcamp aammalu assersuutigalugu aatsitassarsiorfiusup iluani ilinniagaqarnissamut periarfissat allat pillugit ilitsersuutini atuutsinneqarpoq.

### § 5-imut

#### Imm. 1-imut

Kommunimi inuussutissarsiutinut ilinniartitaanernullu ilitsersuiffeqassaaq. Ilitsersuisartutut ilinniartitaanivimmik pilersitsineq sulissutigineqarpoq.

Suliffissaaleqisut, inuusuttut suliffissaqalernissamut suliniutini peqataasut kiisalu allat piginnaangorsaanermik suliniutini peqataasut peqatigalugit kommunit ataasiakkaanut iliuusissatut pilersaarusiortassapput.

Taamaaliornikkutaaq qulakkeerniarneqarpoq manna tikillugu inuusuttut sullivii suliffeqalernissamut suliniutinik taarserneqassasut, taamaalilluni inuusuttut sulianut aalajangersimasunut tunngatillugu taamatullu atuagarsornikkut pisinnaasaqarnerulernissaat qulakkeerneqassamat. Siunertarnejarpoq inuusuttut piginnaasaqarnerulersitsisumik ilinniartitaanernut tiguneqarnissaminnut piareersarneqarnissaat imaluunniit ataavartumik suliffeqalernissaminnut periarfissinniarneqarnissaat.

Siusinnerusukkut inuusuttunik kiffartuussisarnej Piareersarfiit taarsersimavaat, siunertaralugu suliffeqanngitsut sulimut tunngatillugu, atuagarsornermut, inuttut inuuniarnermilu piginnaangorsarneqarnissaat, taamaalillutik ilinniartitaanernut piginnaaneqalerfiusunut isernissaminnut imaluunniit ataavartumik suliffeqalernissaminnut piareersarneqar-tarsinnaaqqullugit.

### Imm. 2-mut

Ilinniartitaanermut suliffeqalernissamullu piareersarnek inunnut ataasiakkaanut iliuusissatut pilersaarutitinnit tunngaveqartinneqassaaq, kommunimi qitiusumik ilitsersuisarfimmi suliffeqanngitsup aamma pisortap/ilitsersuisartup akornanni isumaqatigiissutigineqartartussanik.

Inunnut ataasiakkaanut iliuusissatut pilersaarummi suliffeqanngitsup siunissami suliffeqarnissaminik/inuunissaminik kissaatigisai aallaavigineqartassapput, ilitsersuisartup suliassaasa pingaarnersarissallugu suliffeqanngitsup kissaatigisaasa katiterneqarnissaat imaalillugu siunissami imminut pilersorsinnaangussalluni.

Naalackersuisut isumaqarput inunnut ataasiakkaanut iliuusissatut pilersaarut suliffeqanngitsup kissaatigisaanik aallaavilik suliffeqanngitsumut annertunerpaamik piunassuseqalersitsisinnaasoq taamaalillunilu anguniakkat iliuusissatut pilersaarutit imaasa angunissaannut annertunerpaamik periarfissiinnaalluni.

Tassunga tunngatillugu pingaaruteqarpoq kommunit periarfissat inuussutissarsiortut nunap immikkoortuani pigisaat aallavigalugit suliffeqalernissamut piareersaaniarluni suliniutinik nutaanik annertusaanermut suleqataallutik peqataanissaat taakkunatigut qulakkeerneqassammat inuusuttut soqutigisaasa qaangiinnannginnissaat.

### Imm. 3-mut

Piareersarfimmi pilersitsinikkut kommunalbestyrelsit suliassat suliarineqarnissaannut akisussaaffimminnik tunutsinnassinnaajunnaassapput. Tassami Kommunalbestyrelsi nalunaaruteqartarnermut nakkutilliinermullu periaasissanik suliaqarnissaminut pisussaavoq taakkunatigut qulakkeerneqassammat kommunalbestyrelsip suliassat suliarineqarnerannik paasisimanninnissaa.

Suliffissaaleqinermik allaffissornikkut aqutsinerup ullumikkumut naleqqussarnerunissaa kissaatigineqarpoq, taamaalilluni suliffissaaleqisut atorfinitsinneqarnissaminut piareersimallutillu piginnaaneqartut suliffimmik innersuunneqarnissamut ikiorneqarnissaat qulakkeerneqassalluni. Suliffissaaleqisut piginnaassaata malillugit piginnaasaqarnerulernissamut suliniutit pilersinneqassapput, assersuutigalugu piginnaangorsaaqqiilluni suliniutit kiisalu piginnaasaqarnerulernissamut suliniutit immikkoortortakkuutaarlugit aqqissuuneqarsimasut, taamaalilluni sulisinnaasunik pingaartumillu inunnik piginnaangortitsiviusumik ilinniagaqarsimangitsunik suliffissaaleqisoqalernerani periffissaarutsitsisoqartaqqunagu.

Peqatigitillugu oqaatigineqassaaq pissutsit piginnaangorsaaqqinnissamut ikiorsiisarnek pillugu Inatsisartut peqqussutaat nr. 4, 31. maj 2001-imeersukkat malittarisassaqaartitaasut

suliffeqarnermi innersuussisarneq pillugu Inatsisartut peqqussutissaattut siunnersuummi tassani malittarisassaqaartitaasussatut inngimmata.

Suliffeqanngitsut suleqatigalugit kommunit inunnut ataasiakkaanut iliuusissatut pilersaarutit suliarissagaat. Inunnut ataasiakkaanut iliuusissatut pilersaarutit taamaattut suliarineqartassapput kommunit qitiusumik ilitsersuisarfinnik suliffeqalernissamullu piareersarfinnik pilersitsisimanersut apeqqutaatinnagu.

Imm. 4-mut

Inernerisanik nalunaaruteqartarneq suliassaqaarfimmi ineriartortoqarneranut, aammalu allanngortitsisoqartariaqarneranut ilisimasaqartuarnissamut atorneqassapput.

Imm. 5-imut

Inuussutissarsiutinut ilinniartitaanermullu ilitsersuineranut piomasagaatit pillugit aalajangersagarsukkamik nalunaarusiortoqarsinnaavoq.

#### *§ 6-imut*

Aalajangersakkakut qulakkeerneqassaaq sapinngisamik pitsaasumik suliffeqarnermi innersuussisoqartarnissaa.

#### *§ 7-imut*

Imm. 1-imut

Aalajangersakkap siunertaa tassaavoq Kalaallit Nunaata suliffeqarfittut ataasinngortinnissaata tapersersornissaa. Sulisuusut nuttarsinnaassusaat annertusartuartinneqassaaq, taamaalillutik piviusutigut sulisussanik piomasagaarfiusuni sulisuusut suliffissarsiorsinnaalissallutik.

Najugaqarfimmi naammattunik piginnaasalinnik sulisoqanngippat, qanittuusumilu siunissarisami suliaq najukkami najugaqartunit sulisuusunit isumagineqarsinnaanngitsutut naatsorsuutigineqarluni aalajangersagaq taamaallaat atorneqarsinnaavoq.

Suliffik ataavartussaq pineqartuummat iluatsitsiviusunik nuuttoqarneranik tapersersuisussanik piomasagaateqartoqarpoq, taamaalillunilu suliffeqarfiusumut ilanngunnissamik, tamaasalu isigalugit najugarisap allanngortinnissaanut atatillugu. Sulisuusup inuunerani annertuumik allannguuteqartoqarnera pineqarmat sulisuusup akuersaarnissaa piomasarineqassaaq.

Imm. 2-mut

Aalajangersagaq nutaajuvoq, ukiup ilaanut imaluunniit piffissami killilimmi sulinissamut sulisuusut nuttartarnerinik annertusaassalluni. Sulineq ataavartussaq pineqanngimmat,

sulisitsisup inissiamik atugassiinissaa imaluunniit pigisanik nuussisinnaaneq pillugit piumasaqaateqartoqassasoq pisariaqartinneqarsimanngilaq. Sulisuusoq nammineq imaluunniit sulisitsisoq suleqatigalugu inissaminik nassaartariaqassaaq, taamaattumillu suliap isumaginerani ineeqqami imaluunniit ilisarisimasani najugaqarsinnaalluni. Sulisuusut piffissami killilimmi najugarisaminnit suliamik isumaginninnissaq kisiat siunertaralugu allamut nuussimassapput.

Sularisap piffissamut tunngatillugu sivissussusaanut naleqqiullugu sulisup najugaqarfianik qimatsitsisumik suliffimmik, qaammat ataaseq inorlugu sivissussuseqartussamik taamaallaat qautikkut innersuussisoqarsinnaassaaq, ukiup ilaani imaluunniit piffissami killilimmi sulinerup innersuussissutiginerani isumagineqarneranilu angallannermut aningaa-sartuutit aamma inuiaqatigiinnut tunngasutigut aningaasaqarnikkut iluanaaruteqarnerup akornanni aalajangersimasumik naleqquttoqartariaqarnera pissutigalugu.

Nr. 4-mut

Najugaqarfigisami naammattunik piginnaanilinnik sulisoqartinnagu, qanittuusumilu siunissarisami suliaq najukkami najugaqartunit sulisuusunit isumagineqarsinnaanngitsutut naatsorsuutigineqarluni, kiisalu sulisunik pissarsisinnaasoqannginnerani inuiaqatigiinnut tunngasutigut naleqassutsit annaaneqarpata, assersuutigalugu aalisakkat tunisat suliarineqannginnerisigut aalajangersagaq taamaallaat atorineqarsinnaavoq.

Aalisakkanik suliffissuarni pisoqarfiunerpaamut, naammattunik piginnaasalinnik sulisussanik pissarsiniarnerup ajornakusoorfiuneranut atatillugu aalajangersakkap atorineqarnissaa isumaliutaavoq, aalajangersagarli aamma inuussutissarsiorfiusuni allani pisunut assingusunut aamma atorineqarsinnaavoq.

Imm. 3-mut

Nuttarnerulersitsiniarluni ikiorsiissutit pillugit Naalakkersuisut erseqqinnerusunik maleruagassanik aalajangersaasinnaapput.

#### *§ 8-mut*

Aalajangersakkakkut qulakkeerneqassaaq suliffeqarfimmut sulinermi aaqqiagiinnginnermut ilaasumut innersuussisoqartassanngitsaq. Aalajangersagaq taamaallaat atorineqartassaaq inatsisit malillugit siumut ilimasaareqqaarluni sulinermik unitsitsinernut atatillugu. Taamaammat suliffeqarfimmut isumaqatigiissutit unioqutillugit sulinermik unitsitsiviusimasumut innersuussisoqartarsinnaassaaq.

#### *§ 9-mut*

#### Imm. 1-imut

Kommunalbestyrelsip sulisitsisoq pineqartumut attuumassuteqartoq nalunaarfigissavaa, nuuttoqarsinnaanermut aningaasartuutunik kommunalbestyrelse akiliuteqarmat, tamatumalu kingornatigut aningaasanik Naalakkersuisunit taarsiivigineqassalluni.

#### Imm. 2-mut

Aalajangersakkakut qulakkeerneqassaaq, kommunip sulilersitsineq iluatsinngitsoortillugu tamatumunnga pissutaasunik paasissutissanik tigusaqartarnissaa taamaalilluni kommunip naliliivigisinnaassamagu tamanna suliffeqarfimmut suliffissarsiortumulluunniit kinguneqartinneqassanersoq assersuutigalugu suliffissaarunnermi ikiorsiissutit akiliutigineqartarnerata unitsinneqarneratigut.

#### Imm. 3-mut

Aalajangersakkami sulisitsisoq iluatsinngitsumik innersuussigaluarnermut atatillugu aningaasartuutaasimasunik akiliisussangortinneqarpoq. Sulisitsisut nuunnermut aningaasat atorsimasaasa annaanissaannut aalajangersagaq pinaveersaarisitsisuuvoq.

### *§ 10-mut*

#### Imm. 1-imut

Naalakkersuisut suliffissarsiorfittut nittartagaliorneq sulissutigaat. Naalakkersuisut suliffeqarneq pillugu nutaamik aaqqissusseqqinnermut atatillugu suliffissaaleqinermik allaffissornikkut aqutsieriaatsimut IT-mik tunngaveqartumut ilusiliussassaaq nutaaq suliaritissimavaat.

Siunissami suliffissaaleqisut ataasiakkaarlugit sullinneqartalernissaat periarfissaalissaaq, soorluttaaq suliffissaaleqinermik allaffissornikkut aqutseriaaseq aqutigalugu ilinniartinnik, ilinniarnissamut periarfissanik, suliffissanik neqeroorutunik il.il. paasisaqartoqarsinnaalissasoq siunertarineqarpoq. Aammattaaq allaffissornikkut aqutseriaatsimi tassani suliffissaaleqinermik allaffissornikkut aqutsineq ingerlatissaallugu periarfissaqalissaaq. Suliffissanik nalunaarsuiffik pilersikkiartuaarneqarpoq.

Suliffissanik nalunaarsuiffik pisortaqarfinni oqartussaasut nalunaarsuiffii pillugit inatsisit atuuttut taamatuttaaq nalunaarsuiffeqarneq pillugu malittarisassat suliarineqartarnerat naapertorlugit pilersinneqassaaq. Suliffissanik nalunaarsuiffikkut kisitsisitigut paasissutissat tunngaviusut pissarsiarineqarsinnaalissapput. Naatsorsueqqissaartarfiup Kalaallit Nunaanni Naatsorsueqqissaartarfik pillugu Inatsisartut inatsisaat sunngavigalugu paasissutissat tamakku atortarsinnaassavai. Naalakkersuisoqarfiup paasissutissat siunertanut nalunaarsuiffeqarneq pillugu malittarisassani attuumassuteqartuni akuerisaasunut atortarsinnaassavai. Paassutissat Suliamut, Namminersorlutik Oqartussat qitiusumik allaffeqarfianni qarasaasialerinemik

tungaveqarluni kisitsisitigut paasissutissanik nalunaarsuiffiusumut, suliffeqarnermi naliliisarلuni misissuinerit suliarineqartarneranut tungavigineqartumut, tunniunneqartarsinnaapput. Suliaq suliffeqarnermik iluarsaaqqinnermut ilaavoq. Kommunini allaffissornikkut nalunaaruteqartarnermi nammagassat killilerniarlugit suleriaatsit naleqqutut pillugit Naalakkersuisut aamma Kalaallit Nunaanni Naatsorsueqqissaartarfik isumaqatigiissuteqarsinnaapput Kalaallit Nunaanni Naatsorsueqqissaartarfiup kommuninit paasissutissanut tungavinnut isersinnaaneraniq qulakkeerinnittumik.

#### Imm. 2-mut

Imm. 1 malillugu suliffissanik nalunaarsuiffiup pilersinneqarnissaa pillugu Naalakkersuisut malittarisassaniq aalajangersaatitaassaaq, ilanngullugit suliffissanik nalunaarsuiffiup atornissaanut kommunalbestyrelsiq pisussaaffii pillugit maleruagassaniq. Siunertaavoq kommunit suliffissanik nalunaarsuiffiup piviusunngortinneqarneranut atorfinnik inuttaqanngitsunik nalunaarutiginnittarnermut assigisaannullu peqataanissaminnut pisussaaffilerneqassasut.

### § 11-mut

#### Imm. 1-imut

Kommunimi sulisuusunut ukiumoortumik pikkorissartitsisarnissamik Naalakkersuisut pisussaaffilerneqarput. Aalajangersakkakut qulakkeerneqassaaq suliffeqarnermi siunnersortit ukiumut ataasiarlutik suliniutinik nutaanik, aalajangersakkat atuuttut qanoq paasineqarnissaannik il.il. ilisimatinneqartalissasut taamatullu inatsisit allaffissornikkut aqunneqarnerata oqallisiginissaanut periarfissinneqartarlutik taamaaliornikkut ilaatigut nunatsinni assigiiaartumik inatsisit atortinneqarnerat qulakkeerneqarsinnaammat.

#### Imm. 2-mut

Kommunalbestyrelsimut ilaasortaniq qinigaarlaaniq pikkorissartitsisarneq pillugu malittarisassakkut qulakkeerneqassaaq tamakkununnga tungassuteqartuni inatsisunik ilisimasaqalernissaat taamaaliornikkullu qulakkeereqataaffigalugu inatsisit malinneqarnissaat.

#### Imm. 3-mut

Aalajangersagaq taanna malillugu pikkorissartitsinernut aningaasartuutit kommunit Nunap Karsiatalu agguaattassavaat imaalillugu Nunap Karsiata ukununnga aningaasartuutit akilertassallugit: angalanerit, ineqarnerit kiisalu pikkorissartitsinermut aningaasartuutit nalinginnaasut taamatuttaaq ininut pikkorissartitsisunullu aningaasartuutit. Kommunip pikkorissartitsinermut akiliutit aamma kommuniniit pikkorissarnermut peqataasut ullormusiassaat akilertassavai.

### § 12-imut

Imm. 1-imut

Naalackersuisut suliffeqarnermik siuarsaaneq siunertaralugu nunaqarfinnut isorliunerusunullu tapiissuteqartarsinnaapput, tamakkunani suliffinnik nutaanik aallartitsiniartarnerup ajornartorsiutaanera nalinginnaammat.

Kommunit suliffissaqartitsinermik siuarsaaniarluni iliuitsit saniatigut suliffeqanngitsunik sulilersitsiniaaneq pillugu Inatsisartut peqqussutaat malillugu sulilersitsiniaanermut suliniutinik pilersitsinissaminut periarfissaqarput. Sulilersitsiniaanernut taamaattunut aningaasartuutit kommunit aningaasartuutissaraat.

Imm. 2-mut

Tapiissutit agguataarnissaat pillugit Naalackersuisut nalunaarummik imaluunniit ilitsersuummik atuutsitaqalersinnaapput.

### *§ 13-imut*

Misileraasinnaanermut aalajangersagaq 1999-mi inatsisinut ilanngunneqarpoq ataannassasoq kissaatigineqarluni. Misileraanernik pilersitsisinnaaginnarnissaq pissusissamisuusaaq taamaalilluni suliffissaqarnissaq qulakkearniarlugu periarfissat nutaat misileraanertut misilittarneqartassammata.

### *§ 14-imut*

Aalajangersagaq taanna nutaajuvoq. Aalajangersakkakut qulakkeerneqassaaq suliffeqarnermut tunngatillugu suliniutit ingerlaavartumik allaaserineqartarnerat ineriartorteqqinneqarnerallu. Ukiumoortumik nalunaaruteqartarneq suliffeqarnermut tunngatillugu suliniutinik ineriartortitseqqinnermut Naalackersuisunut atugassaqqissuuvoq.

### *§ 15-imut*

Kommunalbestyrelsip aalajangiussaqaarneranut maalaarut aalajangiussineq maalaaruteqartumit pissarsiarinerata kingornatigut kingusinnerpaamik sap. akunnerisa sisamat qaangiunnerisigut Naalackersuisunut nalunaarutigineqassaaq.

### *§ 16-imut*

Imm. 1-imut

Inatsisip 1. juli 2014-imi atuutilernissaa siunnersuutigineqarpoq.

Imm. 2-mut

Inatsisip matuma atuutsilerneratigut suliffeqarnermi innersuussisarneq il.il. pillugit Inatsisartut peqqussutaat nr. 10, 18. december 2003-meersoq atorunnaarsinneqarpoq.

Imm. 3-mut

Inatsisip matuma atuutsilernerani suliffeqarnermi innersuussisarneq il.il. pillugit Inatsisartut peqqussutaat nr. 10, 18. december 2003-meersoq najoqqutaralugu aalajangersakkatut siusinnerusukkut maleruagassat atuutissapput, inatsimmi matumani imaluunniit inatsisini allani aalajangersakkatut maleruagassanit taarserneqarnissamik imaluunniit atorunnaarsinneqarnissamik tungaannut.